

華

嚴

雜

詠

資宏書



(下)

華

嚴

雜

詠

寶宏書



(下)

責任編輯：唐飛
責任校對：夏宇
封面設計：重慶市遠大印務有限公司
責任印製：王煒

圖書在版編目(CIP)數據

華嚴雜詠 / 道堅法師編. — 成都：四川大學出版社，2014.5

ISBN 978-7-5614-7680-2

I. ①華… II. ①道… III. ①宗教文學—詩詞—作品
集—中國 IV. ①I22

中國版本圖書館 CIP 數據核字 (2014) 第 104235 號

目 录

王端誠 三七

陳仁德 四〇

李高清 四三

葛 勇 四四

梅疏影 四七

王端誠 五〇

蔡淑萍 五四

魏錫文 五六

陳仁德 六三

李高清 六七

葛 勇 七三

梅疏影 七六

曾元超 七九

王端誠

和趙熙翰林原韻

相逢異代即相師。吟席遙尊作主持。已誤
前賢小雪約。敢違勝友立冬期。前朝大雅豈無
夢。來日盛唐會有時。七十七年遲到客。聊呈
拙句寄遐思。

和李伯愷大令原韻

省齋居士約同游。節到立冬已別秋。且

把湖山填雅韻。好憑唱和學名流。飲干席上茶
和酒。寫盡胸中壑與邱。莫道前賢隨水去。昭
昭墨蹟在牆頭。

和蕭湘進士原韻

法相莊嚴樓閣壯。華巖寶刹立東川。重吟
勝景初冬日。已近先賢小雪天。更有清風傳雅
趣。豈無妙悟啓真禪。停觴最愛留詩後。燦燦
斜陽嫋嫋煙。

和向楚廳長原韻

尋幽訪古立冬時。訪得前賢事可師。矚目
壁間公去早。低頭太息我來遲。一生行跡皆成
史。眾口傳揚即是碑。漫道詩壇今寂寞。前朝
遺韻總相知。

和龔秉權孝廉原韻

渝州城外古華崖。引得騷人去又來。雅意
禪心融秀句。湖光山色付酩杯。詩多難隱

心中事。路滑須防地上苔。看慣紅塵千種態。
今朝欣遇寺門開。

和朱蘊章秀才原韻

擾攘塵寰心自明。未隨濁浪踐泥行。承先
啓下期吾輩。繼往開來待後生。筆底春秋人易
老。胸間塊壘總難平。桃源莫道天涯遠。方寸
螢屏細細耕。

和文光漢秀才原韻

此日親賢亦近僧。禪臺設座據山陵。見微
知著豈無兆。鑒古察今信有徵。陋室歸來三徑
渺。欄杆拍遍幾番曾。如煙世事終難沒。天道
輪迴廢又興。

和陶閨居士原韻

巍峨古寺倚雲偏。點點湖光映碧蓮。試看
新顏存舊貌。更聞梵誦響前川。道堅繼業

勤多績。聖可開山苦有年。悟得拈花能一笑。
禪宗代代有高賢。

陳仁德

和趙熙原韻

宋貌唐神足可師。堂堂大雅賴扶持。滄桑
文字成遺響。龍虎風雲誤好期。異代有緣同此
境。憑軒無語想當時。華巖洞外松濤起。鐘磬
聲聲動客思。

和李伯愷原韻

又向華巖寺裏游。蕭疏天氣似深秋。朝

中獻藝稱三絕。壁上題詩仰一流。寶相百年輝
殿宇。佛光終日在山邱。前賢彈指凋零盡。我
到堂前亦白頭。

和蕭湘原韻

此際登臨秋已盡。可憐滿眼好山川。千村
朔氣初冬日。一縷餘暉向晚天。憂國不堪惟醉
酒。濟時無計漫參禪。遊人去後鐘聲寂。坐看
香爐起篆煙。

和向楚原韻

流風遠溯大唐時。文采堪爲後世師。古意
蒼茫雲渺渺。輕寒料峭日遲遲。行過綠竹林中
路。來看紅羊劫後碑。可惜盛名隨逝水。於今
不復有人知。

和龔秉權原韻

禪林幽靜對高崖。也效當年雅集來。憂樂
在心難下筆。雲烟過眼且傳杯。空山古洞縈清

氣。野徑殘碑浸綠苔。莫道群芳零落盡。明春
相約看花開。

和朱蘊章原韻

古寺終朝火燭明。我來獨自踏莎行。望中
依舊青山在。鏡裏何妨白髮生。到此林泉尋靜
謐。看他歌舞慶昇平。寸心只怕紅塵染。淨土
深藏未可耕。

和文光漢原韻

老去應同人定僧。任他鴉噪帝王陵。堪歎
今世真如夢。欲問前緣已失徵。頌聖獻歌當此
際。罵曹擊鼓有誰曾。百年功罪天知道。留與
漁樵說廢興。

和陶闔原韻

欄外雲低古木偏。是誰處處種紅蓮。西天
佛法通三界。東海汪洋納百川。駐錫傳經

勞遠祖。結廬倚洞想當年。晨鐘暮鼓催人老。
翹首殷殷望後賢。